

აივ ინფექციის/შიდსის ადრეული გამოვლენისა და მკურნალობის სახელმწიფო პროგრამა

მუხლი 1. პროგრამის მიზანი

პროგრამის მიზანია:

- ა) აივ ინფექციის/შიდსის ახალი შემთხვევების დროულად გამოვლენა;
- ბ) აივ ინფექციის/შიდსის გავრცელების შეფერხება;
- გ) აივ ინფექციით/შიდსით დაავადებულთათვის მკურნალობის ხელმისაწვდომობის უზრუნველყოფა.

მუხლი 2. პროგრამის ამოცანები

პროგრამის ამოცანებია:

- ა) აივ ინფექციაზე/შიდსზე მაღალი რისკის ჯგუფის პირთა კონსულტირება და ტესტირება;
- ბ) აივ ინფექციით/შიდსით დაავადებულთა უზრუნველყოფა ამბულატორიული მომსახურებით;
- გ) აივ ინფექციით/შიდსით დაავადებულთა უზრუნველყოფა სტაციონარული მკურნალობით.

მუხლი 3. პროგრამის მოსარგებლები

1. პროგრამის მოსარგებლები არიან საქართველოს მოქალაქეები.
2. მოსარგებლე ამ პროგრამით გათვალისწინებულ მომსახურებას იღებს სახელმწიფო დახმარების სახით.

მუხლი 4. პროგრამით გათვალისწინებული მომსახურების მოცულობა

პროგრამით გათვალისწინებული მომსახურების მოცულობა ითვალისწინებს:

1. აივ ინფექციაზე/შიდსზე მაღალი რისკის ჯგუფის პირთა ნებაყოფლობით კონსულტირებას და კვლევას, რომელიც გულისხმობს:

- ა) მაღალი რისკის ჯგუფის პირთა გამოკვლევას აივ ინფექციაზე/შიდსზე სკრინინგული მეთოდებით;
- ბ) მაღალი რისკის ჯგუფის პირთა კონსულტირებას აივ ინფექციაზე/შიდსზე;
- გ) აივ ინფექციაზე/შიდსზე საექვო შემთხვევების გამოკვლევას კონფირმაციული მეთოდებით.

2. აივ ინფექციით/შიდსით დაავადებულთა უზრუნველყოფას ამბულატორიული მომსახურებით, რომელიც გულისხმობს:

- ა) ექიმთან პირველ ვიზიტს;
- ბ) ექიმთან განმეორებით ვიზიტს;
- გ) ოპორტუნისტული ინფექციების მკურნალობას;
- დ) ინსტრუმენტულ დიაგნოსტიკას;
- ე) ექიმის ვიზიტს პაციენტთან.

3. აივ-ინფექციით/შიდსით დაავადებულთა უზრუნველყოფას სტაციონარული მკურნალობით, რომელიც გულისხმობს:

- ა) შიდს ინდიკატორული დაავადებების ლაბორატორიულ-ინსტრუმენტულ დიაგნოსტიკას და მკურნალობას;
- ბ) აივ-ინფექციის/შიდსის თანმხლები დაავადებების (მაგ: ღვიძლის უკმარისობა და ა.შ) ლაბორატორიულ-ინსტრუმენტულ დიაგნოსტიკას და მკურნალობას.

მუხლი 5. მომსახურების შესყიდვა და განხორციელების მექანიზმები

- 1. პროგრამას ახორციელებენ საქართველოში ლიცენზირებული დაწესებულებები, რომლებსაც გააჩნიათ აივ ინფექციის/შიდსის მკურნალობაზე შესაბამისი ლიცენზია. შესყიდვა განხორციელდება „სახელმწიფო შესყიდვების შესახებ“ საქართველოს კანონის შესაბამისად.
- 2. ხელშეკრულების პირობებს, ანგარიშსწორების ფორმებსა და წესს, განსაზღვრავს საქართველოს შრომის, ჯანმრთელობისა და სოციალური დაცვის სამინისტროს მმართველობის სფეროში შემავალი საქვეუწყებო დაწესებულება “ჯანმრთელობისა და სოციალური პროგრამების სააგენტო” და ინფორმაციის სახით წარუდგენს საქართველოს შრომის, ჯანმრთელობისა და სოციალური დაცვის სამინისტროს.

მუხლი 6. დაფინანსების მეთოდოლოგია და ანაზღაურების წესი

- 1. მომსახურება ჯგუფდება კატეგორიების მიხედვით და ფინანსდება ნოზოლოგიური ჯგუფისათვის დადგენილი საშუალო ღირებულებით. პროგრამით გათვალისწინებული სერვისები ანაზღაურდება სრულად (არ ითვალისწინებს თანაგადახდას პაციენტის მხრიდან)
- 2. აივ-ინფექციაზე/შიდსზე მაღალი რისკის ჯგუფის პირთა ნებაყოფლობითი კონსულტირება და კვლევა

N	ღონისძიების დასახელება	ერთეულის ფასი
---	------------------------	---------------

		(ლარებში)
1	მაღალი რისკის ჯგუფის პირთა გამოკვლევა აივ ინფექციაზე/შიდსზე სკრინინგული მეთოდებით	
1.1	აივ ანტიხეულების განსაზღვრა ს/შ იმუნოფერმენტული ანალიზის მეთოდით	13.2
1.2	აივ ანტიხეულების განსაზღვრა ს/შ სწრაფი/მარტივი მეთოდით	14.8
2	მაღალი რისკის ჯგუფის პირთა კონსულტირება აივ ინფექციაზე/შიდსზე	
2.1	ტესტის წინა კონსულტაცია	6
2.2	ტესტის წინა კონსულტაცია სისხლის აღებით	7.62
2.3	ტესტის შემდგომი კონსულტაცია	6
2.4	ექიმის ვიზიტი პაციენტთან და კონსულტაცია	9.12
2.5	ექიმის ვიზიტი პაციენტთან, კონსულტაცია და სისხლის აღება	11.1
3	აივ ინფექციაზე/შიდსზე საექვო შემთხვევების გამოკვლევა კონფირმაციული მეთოდებით	
3.1	აივ ანტიხეულების განსაზღვრა ს/შ იმუნობლოტინგის მეთოდით	116
3.2	აივ რნმ რაოდენობრივი განსაზღვრა პოლიმერიზაციის ჯაჭვური რეაქციის მეთოდით (პჯრ)	304
3.3	აივ დნმ თვისობრივი განსაზღვრა პოლიმერიზაციის ჯაჭვური რეაქციის მეთოდით (პჯრ)	192

3. აივ ინფექციით/შიდსით დაავადებულთა უზრუნველყოფა ამბულატორიული და სტაციონარული დახმარებით

№	მომსახურება	ერთეულის ფასი (ლარებში)
I	შიდსი (ამბულატორიული მომსახურება)	
1	პირველი ვიზიტი	510

2	განმეორებითი ვიზიტი გაფართოებული	320
3	განმეორებითი ვიზიტი სტანდარტული	80
4	ოპორტუნისტული ინფექციების მკურნალობა მძიმე	400
5	ოპორტუნისტული ინფექციების მკურნალობა მსუბუქი	100
6	ინსტრუმენტული დიაგნოსტიკა გაფართოებული	400
7	ინსტრუმენტული დიაგნოსტიკა სტანდარტული	60
8	ექიმის ვიზიტი პაციენტთან	20
II	შიდსი (სტაციონარული მომსახურება)	2790

№

მუხლი 7. პროგრამის ბიუჯეტი

«საქართველოს 2010 წლის სახელმწიფო ბიუჯეტის შესახებ» საქართველოს კანონის შესაბამისად, პროგრამის ბიუჯეტი განისაზღვრა 2 500 000 ლარით, შემდეგი ცხრილის შესაბამისად:

N	ღონისძიება	ბიუჯეტი (ლარებში)
1.	აივ-ინფექციაზე/შიდსზე მაღალი რისკის ჯგუფის პირთა ნებაყოფლობითი კონსულტირება და კვლევა	499 620
2.	აივ-ინფექციით/შიდსით დაავადებულთა უზრუნველყოფა ამბულატორიული და სტაციონარული მომსახურებით	2 000 380
	სულ	2 500 000